

30-11-17

17-2-33450


Ո Ր Ո Շ ՈՒ Մ

Վարչական իրավախախտման գործով գանգատն առանց բավարարման, իսկ որոշումն անփոփոխ թողնելու մասին

30.11.2017թ.

ք.Երևան

Ճանապարհային ոստիկանության պետ, ոստիկանության գնդապետ Եգոր Կարապետյանս, վերանայելով Կարապետ Խամպապյանի դիմումի շուրջ ստեղծված նյութերը,



Պ Ա Ր Ձ Ե Ց Ի

2017թ. նոյեմբերի 20-ին Երևան քաղաքի Ավան Նարեկացի թղմ. 38 շ. 82 բն. բնակիչ Կարապետ Խամպապյանը դիմում է հասցեագրել այն մասին, որ ստացել է վարչական տույժ նշանակելու մասին ԱԴ թիվ 317935 որոշումը, որի հետ համաձայն չէ, քանի որ վարելիս չի օգտվել հեռախոսակապից: Դիմումատուն խնդրել է վերանայել իր նկատմամբ կայացված որոշումը և ճանաչել անվավեր:

Դիմումի ուսումնասիրությամբ պարզվել է, որ 12.11.2017թ. ժամը 17:20-ի սահմաններում Երևան քաղաքի Սեբաստիա փողոցում քաղ.Կ.Խամպապյանի կողմից վարած «Վոլկսվագեն» մակնիշի 35 AF 430 հաշվառման համարանիշի ավտոմոբիլը կանգնեցվել է Ճանապարհային ոստիկանության ՃՊԾ 1-ին սպայական գումարտակի 6-րդ սպայական դասակի տեսուչներ, ոստիկանության ավագ լեյտենանտներ Ա.Պետրոսյանի և Ա.Սարգսյանի կողմից՝ ՃԵԱԱՄՕ-ի խախտման համար, այն է՝ վարորդն երթևեկության ընթացքում օգտվել է հեռախոսակապից՝ ձեռքի օգնությամբ: Վարորդի նկատմամբ կազմվել է վարչական իրավախախտման վերաբերյալ արձանագրություն և, ՀՀ ՎԻՎ օրենսգրքի 124-րդ հոդվածի 11-րդ մասի համաձայն, կայացվել է ԱԴ թիվ 317935 որոշումը՝ վերջինիս 5000 դրամ տուգանելու մասին:

Դիմումում նշված հանգամանքների շուրջ պարզաբանումներ տալու նպատակով՝ քաղ.Կ.Խամպապյանը հեռախոսակապի միջոցով հրավիրվել է Ճանապարհային ոստիկանության ՃՊԾ բաժին, սակայն հայտնել է, որ իր դիմումին ավելացնելու ոչինչ չունի և խնդրել է դիմումի քննարկման արդյունքների մասին տալ գրավոր պատասխան:

Ըստ ծառայողների գրավոր բացատրությունների՝ Երևան քաղաքի Շիրազի փողոցում նկատել են, որ «Վոլկսվագեն» մակնիշի 35 AF 430 հաշվառման համարանիշի ավտոմոբիլի վարորդը երթևեկության ընթացքում օգտվել է հեռախոսակապից՝ ձեռքի օգնությամբ: Սահմանված կարգով ավտոմոբիլը կանգնեցնելուց հետո, տեսուչ Ա.Պետրոսյանը մոտեցել է վարորդին, ներկայացել, հայտնել է կանգնեցման պատճառը և փաստաթղթերը ստուգելուց հետո կազմել է համապատասխան արձանագրություն: Վարորդը համաձայն չի եղել խախտման հետ, այդ մասին նշել է արձանագրության մեջ, ինչից հետո ստորագրել և ստացել է որոշման իր

օրինակը: Տեսուչները հայտնել են նաև, որ իրավախախտումը եղել է ակնհայտ, պարզ տեսանելի, ինչի վերաբերյալ սահմանված կարգով կազմվել է արձանագրություն:

Համաձայն «Ճանապարհային երթևեկության անվտանգության ապահովման մասին» ՀՀ օրենքի 17-րդ հոդվածի՝ Ճանապարհային ոստիկանության ծառայողը պարտավոր է տրանսպորտային միջոցը կանգնեցնել, եթե ակնհայտ կամ տեխնիկական միջոցների օգտագործմամբ երևում է, որ վարորդը խախտել է ճանապարհային երթևեկության կանոնների պահանջները: Նույն հոդվածի 8-րդ մասի համաձայն՝ երթևեկության սահմանված արագության գերազանցման և տրանսպորտային միջոցների ապակիների լուսաթափանցելիության սահմանված չափի խախտումների համար պատասխանատվություն է առաջացնում, երբ տվյալ խախտումը փաստարկված է համապատասխան տեխնիկական միջոցների կիրառմամբ:

Այսպիսով, քաղ. Կ. Խամպապյանի արարքում առկա է Վարչական իրավախախտումների վերաբերյալ ՀՀ օրենսգրքի 124-րդ հոդվածի 11-րդ մասով նախատեսված իրավախախտման գանգակազմը, ուստի, ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով,

Ո Ր Ո Շ Ե Ց Ի՝

1. Կարապետ Խամպապյանի դիմումը թողնել առանց բավարարման, իսկ Ճանապարհային ոստիկանության ՃՊԾ 1-ին սպայական գումարտակի 6-րդ սպայական դասակի տեսուչ, ոստիկանության ավագ լեյտենանտ Ա. Պետրոսյանի կազմած վարչական իրավախախտման արձանագրության հիման վրա 2017թ. նոյեմբերի 12-ին կայացրած ԱԴ թիվ 317935 որոշումը՝ Կարապետ Խամպապյանին հինգ հազար դրամ տուգանելու մասին՝ անփոփոխ:
2. Սույն որոշման օրինակներն ուղարկել Ճանապարհային ոստիկանության վարչական գործունեության բաժանմունք և դիմումատուին:
3. Սույն որոշումը կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:

Կատարող՝ Գ. Գևորգյան
011-56-79-44



Գ. Կարապետյան